



## Uimhir an Chiorcláin: 0040/2025

### Chuig: Údaráis Bhainistíochta na mBunscoileanna Aitheanta agus Príomhfheidhmeannaigh na mBord Oideachais agus Oiliúna (BOOanna)

#### Athbhreithniú ar Rátaí Deontais Caipitíochta do Bhunscoileanna Aitheanta sa Scoilbhliain 2025/26

##### 1. Réamhrá

Is é cuspóir an chiorcláin seo na rátaí per-capita athbhreithnithe a leagan amach a bhaineann le maoiniú deontais caipitíochta a leithdháilfear ar bhunscoileanna aitheanta le héifeacht ón 01 Meán Fómhair 2025.

Tagann an chiorclán seo in áit Chiorclán 0056/2024.

##### 2. Cuspóir an Deontais Caipitíochta

Tá sé i gceist go rannchuideodh maoiniú caipitíochta le costais reáchtála scoileanna ó lá go lá agus dá réir sin ba chóir é a úsáid chun íoc as costais amhail teas, soilsiú, glanadh, árachas agus gnáthchúrsaí cothabhála i scoileanna.

Féadtar féachaint ar mhaoiniú caipitíochta arna sholáthar le haghaidh costas reatha ginearálta agus maoiniú coimhdeach a chuirtear ar fáil do sheirbhísí airíochais agus rúnaíochta mar dheontas coiteann a bhféadfaidh an Bord Bainistíochta é a leithdháileadh de réir a thosaíochtaí féin. Féach [Ciorclán 0040/2009](#) le haghaidh tuilleadh eolais.

Tá sé i gceist go mbainfí úsáid as an deontas Seirbhísí Coimhdeacha chun freastal ar chostas seirbhísí rúnaíochta agus airíochais. Tá na mionsonraí maidir leis an deontas seirbhísí coimhdeacha leagtha amach i gchiorclán ar leith a fhoilsítear ar shuíomh gréasáin na Roinne. Tá na rialacháin atá i bhfeidhm anois maidir le rúnaithe a fhostú, mar thoradh ar chomhaontú Fórsa /WRC, le fáil i g[Ciorclán 0036/2022](#).

Ba chóir maoiniú deontais a úsáid chun na críche dá gcuirtear ar fáil é i gcomhréir le [Ciorclán 13/2014](#) ó RCPA.

##### 3. Rátaí Deontais Caipitíochta

###### 3.1. Rátaí Caipitíochta Caighdeánacha

Is é ráta caighdeánach an deontais don scoilbhliain 2025/2026 ná €224 do gach dalta príomhshrutha le héifeacht ón 1 Meán Fómhair 2025.



### **3.2. Rátaí Caipitíochta Feabhsaithe – Scoileanna Speisialta agus Ranganna Speisialta atá nasctha le scoileanna príomhshrutha**

Chomh maith leis an méadú ar Chaipitíocht Chaighdeánach, tiocfaidh méadú ar na rátaí caipitíochta feabhsaithe le héifeacht ón 1 Meán Fómhair 2025.

Tá rátaí caipitíochta feabhsaithe iníoctha i leith daltaí de chuid an lucht siúil agus daltaí atá ag freastal ar scoileanna speisialta agus ar ranganna speisialta atá nasctha le scoileanna príomhshrutha chun cúnamh a thabhairt maidir leis na costais bhreise a bhaineann le costais reatha seomraí ranga ina bhfuil líon beag daltaí, agus soláthar speisialaithe á fheidhmiú. Braitheann na rátaí seo ar an leibhéal riachtanais ar leith atá i gceist. Tá an ráta príomhshrutha san áireamh sna rátaí atá luaite.

Tá na rátaí deontais athbhreithnithe ar fáil in Aguisín A.

### **3.3. Scoileanna i gComhpháirtíocht Phríobháideach Phoiblí (CPP)**

Éilítear ar an gcomhpháirtí príobháideach CPP raon seirbhísí a sholáthar agus cothabháil a dhéanamh orthu lena n-áirítear glantachán agus cothabháil foirgneamh ar feadh tréimhse 25 bliain i ndiaidh na tógála. Laghdaítear an maoiniú caipitíochta a chuirtear ar fáil do na scoileanna sin faoi 25%.

## **4. Modh chun an Deontas Caipitíochta a Ríomh**

Íoctar an deontas caipitíochta foriomlán bunaithe ar rolluithe mhí Mheán Fómhair sa scoilbhliain reatha agus íoctar é ina dhá thráthchuid, i mí Eanáir agus i mí an Mheithimh gach bliain.

**Nóta:** Tá an deontas a íoctar le scoileanna beaga bunaithe ar íosrollú de 60 dalta príomhshrutha.

### **4.1. An Chéad Tráthchuid – Eanáir**

Tá an chéad tráthchuid bunaithe ar 70% de rolluithe na scoilbhliana roimhe sin.

### **4.2. An Dara Tráthchuid – Meitheamh**

Déantar an dara tráthchuid i mí an Mheithimh a ríomh ag baint úsáid as rolluithe na scoilbhliana reatha chun teidlíocht fhoriomlán an deontais don bhliain a shocrú. Laghdaítear é sin de réir luach na chéad tráthchoda a íocadh i mí Eanáir.

### **4.3. Socruithe don scoilbhliain 2025/26**

Bhí an chéad tráthchuid den deontas a íocadh i mí Eanáir 2025 bunaithe ar 70% de na rolluithe i mí Mheán Fómhair 2023 agus an gnáthráta per-capita de €200 in aghaidh an dalta príomhshrutha. Beidh an dara tráthchuid atá le híoc i mí an Mheithimh bunaithe ar na rolluithe i mí Mheán Fómhair 2024 ag an ráta per-capita athbhreithnithe de €224 in aghaidh gach dalta príomhshrutha iníoctha le héifeacht ón 1 Meán Fómhair 2025. Tá na socruithe céanna curtha i bhfeidhm maidir le caipitíocht fheabhsaithe.

Féach Aguisín B le do thoil le haghaidh samplaí a thaispeánann ríomh na n-íocaíochtaí Deontas Caipitíochta dá dtagraítear thuas.



## **5. Scaipeadh agus Ceisteanna**

Cinntigh le do thoil go dtarraingítear aird an bhoird bainistíochta agus chumann na dtuismitheoirí (más ann dóibh) ar an gCiorclán seo.

Ba chóir go seolfaí fiosruithe ó scoileanna maidir leis an gCiorclán seo a sheoladh chuig Aonad Airgeadais Rannóg na Scoileanna ag [sdfinfo@education.gov.ie](mailto:sdfinfo@education.gov.ie).

Shirley Kearney  
Príomhoifigeach  
Aonad Airgeadais Rannóg na Scoileanna

24 Meitheamh 2025



## Aguisín A

### Rátaí Scoile 2025/2026

Catagóir	01/09/2025	01/09/2025
	Faoi bhun 12 bhliain d'aois €	12 bhliain d'aois agus os a chionn €
a) Ráta Príomhshrutha	224	224
b) Scoileanna Náisiúnta arna gcothabháil ag OOP	89.60	89.60
c) Scoileanna Lán-Ghaeilge	249	249
<b>* Rátaí Caipitíochta Feabhsaithe</b>		
Lagú Radhairc	1075	1075
Lagú Éisteachta	1075	1075
Bodhar Amach is Amach	1104	1104
Míchumas Foghlama Ginearálta Éadrom (Scoil Phríomhshrutha)	573	852
Míchumas Foghlama Ginearálta Éadrom (Scoil Speisialta)	713	1075
Míchumas Foghlama Ginearálta Measartha	1075	1075
Míchumas Foghlama Ginearálta Dian / Trom	1104	1104
Sain-mhíchumas Foghlama (Scoil Phríomhshrutha)	573	852
Sain-mhíchumas Foghlama (Scoil Speisialta)	713	1075
Suaithheadh Mothúchánach	1075	1075
Suaithheadh Mothúchánach Trom	1104	1104
Míchumas Fisiciúil	1075	1075
Uathachas/Neamhoird ar Speictream an Uathachais (NSU)	1104	1104
Sain-Neamhord Urlabhra agus Teanga	1075	1075
Míchumais Iomadúla	1104	1104
Leanaí an Lucht Siúil	316	316
Luath-Idirghabháil NSU	1104	1104

\* Tá an ráta príomhshrutha san áireamh sna rátaí caipitíochta feabhsaithe.



## Aguisín B

### Samplaí den mhodh chun íocaíochtaí deontais chaipitíochta do 2025/26 a ríomh

#### 1. Sampla 1 – Deontais chaipitíochta do 2025 a ríomh.

Bhí tráthchuid Eanáir 2025 bunaithe ar 70% de rollú na ndaltaí amhail an 30/09/2023. Tá tráthchuid Mheitheamh 2025 bunaithe ar rollú daltaí amhail an 30/09/2024 lúide an íocaíocht a fuarthas i dtráthchuid Eanáir.

<b>1.1</b>	<b>Rátaí Caipitíochta do 2025</b>	
(i)	Ráta in aghaidh an dalta príomhshrutha le héifeacht ón 01/01/2025	€200.00
(ii)	Ráta in aghaidh an dalta príomhshrutha le héifeacht ón 01/09/2025	€224.00
<b>1.2</b>	<b>Tráthchuid Eanáir 2025</b>	
(iii)	Rollú daltaí príomhshrutha amhail an 30/09/2023	120
(iv)	Ráta in aghaidh an dalta príomhshrutha ón 1/1/25 – 31/08/25 (8 mí)	€200
(v)	(€200 x 120 dalta príomhshrutha) x 70%	€16,800
(vi)	<b>Iomlán iníochta i dtráthchuid Eanáir 2025</b>	<b>€16,800</b>
<b>1.3</b>	<b>Tráthchuid Mheitheamh 2025</b>	
(vii)	Rollú daltaí príomhshrutha amhail an 30/09/2024	140
(viii)	Ráta in aghaidh an dalta príomhshrutha ón 01/01/25 – 31/08/25 (8 mí)	€200
(ix)	Ráta in aghaidh an dalta príomhshrutha ón 01/09/25 – 31/12/25 (4 mhí)	€224
(x)	(€200 x 140 dalta príomhshrutha) ar feadh 8 mí	€18,666.67
(xi)	(€224 x 140 dalta príomhshrutha) ar feadh 4 mhí	€10,453.33
(xii)	Caipitíocht bhliantúil iomlán iníochta do 2025	€29,120.00
(xiii)	Lúide tráthchuid Eanáir 2025 ag (vi) thuas	-€16,800.00
(xiv)	<b>Iomlán iníochta i dtráthchuid Mheitheamh 2025</b>	<b>€12,320.00</b>



## 2. Sampla 2 – Deontais chaipitíochta do 2025 a ríomh

Tá tráthchuid Eanáir 2026 bunaithe ar 70% de rollú daltaí amhail an 30/09/2024. Tá tráthchuid Mheitheamh 2026 bunaithe ar rollú daltaí amhail an 30/09/2025 lúide an focaíocht a fuarthas i dtráthchuid Eanáir.

<b>2.1</b>	<b>Rátaí Caipitíochta do 2026</b>	
(i)	Ráta in aghaidh an dalta príomhshrutha le héifeacht ó 01/09/2025	€224
<b>2.2</b>	<b>Tráthchuid Eanáir 2026</b>	
(ii)	Rollú daltaí príomhshrutha amhail an 30/09/2024	140
(iii)	Ráta in aghaidh an dalta príomhshrutha	€224
(iv)	(€224 x 140 dalta príomhshrutha) x 70%	€21,952
(v)	<b>Iomlán iníochta i dtráthchuid Eanáir 2026</b>	<b>€21,952</b>
<b>2.3</b>	<b>Tráthchuid Mheitheamh 2026</b>	
(vi)	Rollú daltaí príomhshrutha amhail an 30/09/2025	150
(vii)	Ráta in aghaidh an dalta príomhshrutha ón 01/01/2026 – 31/12/2026	€224
(viii)	€224 x 150 dalta príomhshrutha	€33,600
(ix)	Caipitíocht bhliantúil iomlán iníochta do 2026	€33,600
(x)	Lúide tráthchuid Eanáir ag (v) thuas	€21,952
(xi)	<b>Iomlán iníochta i dtráthchuid Mheitheamh 2026</b>	<b>€11,648</b>